



**NOGOMETNI/FUDBALSKI SAVEZ
BOSNE I HERCEGOVINE**

**P R A V I L N I K
CENTRA ZA EDUKACIJU TRENERA**

Sarajevo, februar/veljača 2017. godine

Izvršni odbor Nogometnog/Fudbalskog saveza Bosne i Hercegovine, na osnovu člana 35. Statuta Nogometnog/Fudbalskog saveza Bosne i Hercegovine, na sjednici održanoj 10. 03. 2017. godine d o n o s i:

P R A V I L N I K

Centra za edukaciju trenera

I OPĆE ODREDBE

Član 1.

(Pitanja koja se uređuju)

Ovim Pravilnikom se bliže uređuju pitanja organizacije i realizacije nastave koja vodi do sticanja trenerskih UEFA diploma i licenci, kao i druga pitanja koja se odnose na: uslove upis polaznika kurseva, godišnje planiranje kurseva, broj sati nastave za svaki kurs, vrijeme trajanja kurseva, način ispitivanja i ocjenjivanja polaznika kursa, postupka provođenja diplomskog rada, minimalne zahtjeve za upis polaznika na sve UEFA kurseve, minimalne uslove za edukaciju edukatora trenera, izdavanja diploma i licenci, produženje validnosti UEFA licenci i druga relevantna pitanja od značaja za rad Centra za edukaciju trenera (u daljem tekstu: Centar) Nogometnog/fudbalskog Saveza Bosne i Hercegovine (u daljem tekstu: Savez).

Član 2.

(Pozicija Centra u Savezu)

Centar je na osnovu ukazane potrebe za edukacijom nogometnih/fudbalskih trenera i u skladu sa UEFA-e trenerskom Konvencijom usvojenom 2015.godine, kao i važećim propisima NS/FS BIH, konstituisan kao jedna od organizacionih jedinica te kao takav nema svojstvo pravnog lica.

Član 3.

(Diskriminacija)

U okviru rada Centra nije dozvoljena diskriminacija ili privilegija, zasnovana na rasi, boji kože, polu, jeziku, religiji ili vjerovanju, političkim ili drugim uvjerenjima, nacionalnom i socijalnom porijeklu.

II DJELATNOST CENTRA

Član 4.

(Osnovna, dodatna i posebna djelatnost Centra)

Centar obavlja organizacijske, edukacijske i administrativne poslove u okviru svoje nadležnosti, na teritoriji Bosne i Hercegovine, kao članice UEFA-e i potpisnice Konvencije 2015. godine i to:

a) Osnovne djelatnosti koja se ogleda kroz:

- edukaciju osnovnih trenerskih nivoa UEFA B, UEFA A i UEFA PRO;
- edukaciju trenera UEFA elitnih omladinskih kategorija nivoa A;
- edukaciju specijalističkih trenerskih usmjerenja - UEFA A trener golmana, UEFA B trener futsala;
- edukaciju trenera za Nacionalnu C licencu i Nacionalni certifikat;
- edukaciju trenera i edukatora (instruktora) trenera za produženje validnosti

- licenci kroz kurseve, seminare, radionice, simpozije itd.;
- edukaciju nacionalnih edukatora trenera (instruktora i predavača specijalista)
- izradu planova i programa edukacije trenera i edukatora trenera svih smjerova i nivoa;
- edukaciju nacionalnih trenera nivoa C i edukatora trenera u smislu produžavanje validnosti licenci;
- edukacija trenera za individualan i dopunski rad sa igračima;
- dopuna planova i programa u cilju kontinuiranog usavršavanja i poboljšavanja edukacije trenera;
- organizaciju i realizaciju procedura oko ispita na svim nivoima, tokom i izvan redovne nastave kao i diplomskih radova (UEFA PRO) i završnih radova;
- instruiranje i edukacija edukatora (instruktora) trenera na nacionalnom nivou;
- izdavanje uvjerenja, potvrda, licenci, diploma i drugih dokumenata na zahtjev polaznika kurseva;
- godišnje planiranje broja kurseva i objavljivanje na web stranici Saveza;
- Pružanje informacija na zahtjev klubova, trenera, kandidata zainteresovanih za pohađanje kurseva, drugih članica Konvencije i UEFA-e o bilo kojim pitanjima vezanim za edukaciju trenera;
- dostavljanje podataka UEFA-i o svršenicima kursa za UEFA PRO, nakon organizovanja kursa i isticanja njihova imena na web stranici Saveza;
- realizovanje kurseva za nacionalnu C licencu u organizacijskoj saradnji sa nogometnim kantonalnim savezima u NS F i fudbalskim područnim savezima u FS RS.
- evidentiranje i arhiviranje dokumenata, kao i vođenja baze podataka iz djelatnosti Centra;
- izdavanje i štampanje neophodne stručne literature, knjiga, časopisa, CD-ova, DVD-ova i dr.

b) Dodatne djelatnost koja se ogleda kroz:

- poslove vezane za izdavanje godišnjih takmičarskih akreditacija (dozvola) za rad trenerima svih nivoa takmičenja u Bosni i Hercegovini (u skladu sa Pravilnikom o statusu trenera);
- poslove vezane za izdavanje godišnjih takmičarskih akreditacija (dozvola) za rad ostalih stručnih kadrova (predstavnik klubova, ljekara, fizioterapeuta i dr.), sve u skladu sa odgovarajućim pravilnicima, odlukama i ukazanoj potrebi;
- druge poslove od značaja za Savez po ukazanoj potrebi i odluci nadležnih lica i organa.

c) Posebne djelatnost koja se ogleda kroz saradnju:

- sa drugim organima i stručnim službama NS/FS BiH svih nivoa takmičenja;
- sa drugim nacionalnim fudbalskim/nogometnim asocijacijama, UEFA-om i FIFA-om, iz domena djelatnosti Centra.

III ORGANIZACIJA CENTRA

Član 5. (Članovi Centra)

1. Centar u svom sastavu za obavljanje djelatnosti ima slijedeće članove: šef edukacije, viši stručni saradnik za edukaciju i stručni saradnik za edukaciju.

Član 6. **(Šef edukacije)**

Rukovodi svim aktivnostima u radu Centra za edukaciju trenera, učestvuje na seminarima u organizaciji UEFA radi usvajanja znanja i metoda rada za dodatno obrazovanje edukatora trenera nacionalnih asocijacija, priprema godišnji i tromjesečni plan i program rada centra, vrši studiju i analizu velikih takmičenja, organizuje i realizuje nastavu i ispite UEF A seminara, organizuje i realizuje ispite tokom i nakon UEFA seminara i verifikuje položene ispite, organizuje i realizuje nacionalna licenciranja na godišnjem nivou, organizuje i realizuje promocije UEFA diploma i licenci, ovjerava uvjerenja: o položenim ispitima, o nivou školovanja, o upisu na određeni nivo edukacije, poziva na seminare i promocije godišnjeg nacionalnog licenciranja te drugih dokumenata vezanih za djelatnost centra, ovlašten je za neposredno plaćanje posebnih usluga za vrijeme trajanja UEFA seminara za trenere koje nisu regulisane na drugi način vodeći računa o racionalnosti i ekonomičnosti troškova, učestvuje u radu i zadacima organizacije AEFCA, obavlja i druge poslove i zadatke koje odredi tehnički direktor. Za svoj rad i rad zaposlenika u Edukacionom centru odgovora direktoru Sektora.

Uslovi za obavljanje poslova i zadataka: VSS, najmanje 3 (tri) godine radnog iskustva na istim ili sličnim poslovima u odgovarajućoj profesionalnoj, upravnoj, organizacionoj službi u sportu, dobro poznavanje rada na računaru, poznavanje engleskog jezika, nivo znanja-B1.

Broj izvršioca: jedan (1) izvršilac

Član 7. **(Viši stručni saradnik za edukaciju)**

Organizuje i priprema tehničke pretpostavke za realizaciju nastave i realizuje nastavu UEFA B, UEFA A i UEFA PRO seminara, održava komunikaciju sa predstavnicima UEFA-e odjela za edukaciju, radi na ažuriranju baze podataka centra, priprema UEFA diplome i licence za štampanje, dostavlja odgovarajuće informacije za web stranicu NS/FS BiH, obavlja administrativne i daktilografske poslove, a prema potrebi i poslove prevođenja za potrebe Centra, vrši prijem i otpremu interne i eksterne pošte na domaćem i engleskom jeziku, umnožava razne materijale, obavlja i druge poslove i zadatke koje odredi neposredni rukovodilac. Za svoj rad odgovora šefu Edukacije.

Uslovi za obavljanje poslova i zadataka: VSS, najmanje 2 (dvije) godine radnog iskustva na istim ili sličnim poslovima u odgovarajućoj profesionalnoj, upravnoj, organizacionoj službi u sportu, dobro poznavanje rada na računaru, poznavanje engleskog jezika, nivo znanja-A2.

Broj izvršioca: jedan (1) izvršilac

Član 8. **(Stručni saradnik za edukaciju)**

Priprema UEFA diplome i licence za štampanje, dostavlja odgovarajuće informacije za web stranicu NS/FS BiH, obavlja administrativne i daktilografske poslove, a prema potrebi i poslove prevođenja za potrebe Centra, vrši prijem i otpremu interne i

eksterne pošte na domaćem i engleskom jeziku, umnožava razne materijale, obavlja i druge poslove i zadatke koje odredi neposredni rukovodilac. Za svoj rad odgovora šefu Edukacije.

Uslovi za obavljanje poslova i zadataka: VSS, najmanje 1 (jedna) godina radnog iskustva na istim ili sličnim poslovima u odgovarajućoj profesionalnoj, upravnoj, organizacionoj službi u sportu, dobro poznavanje rada na računaru, poznavanje engleskog jezika, nivo znanja-A1.

Broj izvršioca: jedan (1) izvršilac

IV STANDARDI ZA SVE KURSEVE

Član 9.

(Edukacija zasnovana na realnosti)

Svaki kurs u organizaciji Centra sastoji se od interaktivnog načina edukacije trenera zasnovanih na realnosti, koji:

- a) favorizuju učenje u klupskom kontekstu, koristeći znanje, vještine i stavove za rješavanje realnih situacija i problema u nogometu/fudbalu.
- b) stimulišu stav o cjeloživotnom učenju i razvijaju kompetenciju kroz: prenošenje znanja, tokom kursa na praktičnim treninzima, radnim iskustvom, držeći se ciklusa učenja (aktivnost-utakmica, analiza, priprema-trening i aktivnost-utakmica), koristeći novi koncept učenja na daljinu i na radnom mjestu.
- c) zahtijevaju da ocjenjivanje kompetencije svakog kandidata tokom edukacije i obuke vrši kvalifikovani edukator trenera (predavač).

Član 10.

(Organizacija kurseva)

Centar kao organizator i realizator kurseva za sticanje licenci iz UEFA-e Konvencije, kao i nacionalnih licenci i sertifikata, dužan je:

- a) Jednom godišnje evaluirati potrebu za određenim kursevima na svim nivoima takmičenja kao i interes od strane kandidata sa stalnim mjestom boravka u Bosni i Hercegovini;
- b) U okviru godišnjeg plana rada Centra, predvidjeti kurseve za koje NS/FS BIH na svim nivoima takmičenja ima potrebu i istaći obavijest na web stranici saveza;
- c) Postaviti mjerljive ciljeve u okviru nastavnog programa za svaki kurs;
- d) Definisati glavne trenerske teme za izučavanje u okviru nastavnog programa za svaki kurs;
- e) Odabrati odgovarajuću lokaciju sa odgovarajućom nogometnom infrastrukturom (teren za praktični dio nastave, učionica-amfiteatar za teoretski dio nastave uz dostupnost pomagala, rekvizita, opreme i tehnike za podršku nastavi uz pristojane smještajne kapacitete sa punim pansionom za sve polaznike kursa);
- f) Sastaviti detaljan nastavni plan i program zasnovan na minimalnom sadržaju nastavnih planova i programa koje obezbjeđuje UEFA-e, kao i detaljan program kursa sa datumom i satnicom prije početka svakog kursa;
- g) Definisati odgovarajući i transparentan sistem ocjenjivanja za svaki dio kursa i prezentirati ga na samom početku svakog kursa, kako bi kandidati bili upoznati sa načinom sakupljanja bodova i ocjenjivanja;
- h) Odrediti minimalan broj polaznika kursa sa stalnim boravkom na teritoriji Bosne i Hercegovine, kao i minimalan broj polaznika koji nemaju mjesto boravka na teritoriji Bosne i Hercegovine;
- i) Isticanjem obavijesti za upis na određeni kurs, odrediti rok do kada se prikupljaju dokumenta, kao i uslove za prijem/upis;
- j) Uspostaviti obavezno ocjenjivanje kako je definisala UEFA-e;
- k) Definisati zahtjeve za edukatore trenera (predavači, instruktori, mentori i vanjski eksperti);
- l) Definisati uslove za uspješan završetak kursa i izdavanje diploma i licenci;

- m) Pružiti informacije o pravima i obavezama imalaca UEFA-e licenci (na završetku kursa informisati imaoce licenci o vremenu validnosti, kao i načinu produženja validnosti licence i dr).

Član 11.

(Trajanje kurseva)

Organizacija nastave na svim kursevima iz domena rada Centra sprovodi se kombinacijom slijedećih organizacionih oblika i to: semestara-modula stacioniranih na jednom mjestu u kampu ili hotelu, gdje se realiziraju teoretske i praktične teme, zatim mentorske prakse u klubovima, kao i studijska putovanja I stažiranja u tačno određenom klubu u inostranstvu.

Dužina trajanja kurseva iz domena rada Centra mora obuhvatiti realizaciju minimalnog broja sati koje predviđa UEFA-e Konvencijom a određuje se početkom godine kombinacijom elemenata iz prethodnog stava strukturirana na slijedeći način:

- a) Kurs za sticanje UEFA B diplome i licence, sastoji se od dva semestra, po devet dana (prvi i drugi) organiziranih u periodu od jedne godine i minimalno po 20 časova praktičnog rada po osnovu mentorske prakse individualno u adekvatnom klubu po izboru kandidata, nakon prvog i drugog semestra;
- b) Kurs za sticanje UEFA A diplome i licence, sastoji se od dva semestra, po dvanaest dana (prvi i drugi), organiziranih u periodu od jedne godine i minimalno po 20 časova praktičnog rada po osnovu mentorske prakse individualno ili u grupi u adekvatnom klubu po izboru kandidata, nakon prvog i drugog semestra;
- c) Kurs za sticanje UEFA PRO diplome i licence, sastoji se od četiri semestra, po dvanaest dana (prvi, drugi, treći i četvrti), organiziranih u periodu od dvije godine i minimalno po 20 časova praktičnog rada po osnovu mentorske prakse individualno ili u grupi u adekvatnom klubu po izboru kandidata, nakon prvog, drugog, i trećeg semestra kao i stažiranje za izradu Diplomskog rada od 15 dana u tačno određenom klubu nakon odslušanog četvrtog semestra;
- d) Kurs za sticanje UEFA B futsal diplome i licence, sastoji se od četiri semestra, po četiri dana (prvi, drugi, treći i četvrti), organiziranih u periodu od jedne godine i minimalno po 20 časova praktičnog rada po osnovu mentorske prakse u svom klubu nakon prvog, drugog i trećeg semestra;
- e) Kurs za sticanje UEFA A diplome i licence za vratare/golmane, sastoji se od pet semestara, po tri dana (prvi, drugi, treći, četvrti i peti), organiziranih u periodu od jedne godine i minimalno po 20 časova praktičnog rada po osnovu mentorske prakse u svom klubu nakon prvog, drugog, trećeg i četvrtog semestra;
- f) Kurs za sticanje UEFA Elitne omladinske A diplome i licence, sastoji se od dva semestra, od po pet dana (prvi i drugi), organiziranih u period od jedne godine i minimalno po 20 časova praktičnog rada po osnovu mentorske prakse individualno u adekvatnom klubu po izboru kandidata, nakon prvog i drugog semestra;

Centar može mjenjati broj semestara i dužinu trajanja semestara u skladu sa lakšim i boljim načinom organizacije edukacije i objaviti na web stranici saveza prije početka kursa kako bi treneri bili na vrijeme poznati.

Član 12.

(Prisustvo trenerskim kursevima)

U pravilu, od polaznika kursa se traži permanento prisustvo na trenerskom kursu koji pohađa polaznik u organizaciji Centra;

Na pisani i dobro obrazloženi zahtjev polaznika kursa, Centar može polazniku kursa dozvoliti da nadoknadi propuštene dijelove kursa, pod uslovom da ukupno odsustvo ne prelazi 10% od ukupnog fonda sati kursa koji pohađa, u jednom komadu i u roku od dvije godine.

Ako nadoknada propuštenih dijelova kursa ne bude završena u skladu sa

prethodnim stavom, polaznik obnavlja cijeli kurs odnosno semestar u kojem nije izvršio nadoknadu.

Član 13.

(Nastavni predmeti)

Za sve kurseve Centar je dužan definisati obavezno ocjenjivanje za završetak kursa kao što su:

- a) Praktični rad, realizacija treninga koju priprema i vodi polaznik kursa sa igračima, prilagođena nivou kursa, postavka i vođenje igre;
- b) Teorija treniranja, vođenja, izgradnja tima, sportska etika;
- c) Pravila igre, Fair Play, Respect;
- d) Analiza utakmice vlastite ekipe, analiza-skauting budućeg protivnika, analiza taktičkih i tehničkih i dr. trendova;
- e) Diplomski rad nakon stažiranja;
- f) *“Background”* povratni izvještaj nakon obavljene mentorske prakse ili studijske posjete;
- g) Dnevnik trenerskih aktivnosti i iskustava polaznika tokom kursa;
- h) Ostala ocjenjivanja kompetencije kandidata u specifičnim nogometnim oblastima i uslovima, kako su definisana u minimalnom sadržaju nastavnih programa (silabusa), koji obezbjeđuje UEFA.

Član 14.

(Sistem bodovanja, provjere znanja i ocjenjivanja)

S obzirom da se realizacija nastave na kursevima vrši na interaktivan način, sa aktivnim učešćem polaznika kursa, tako se i način ocjenjivanja i provjere znanja odvija kontinuirano u toku trajanja kursa i na završnom ispitu, i to na sljedeći način:

- a) Ocjenjivanje se vrši dodjeljivanjem bodova, za svaki oblik aktivnosti i provjere znanja u okviru jednog predmeta u toku trajanja kursa, kao i na završnom ispitu, na kojem se utvrdi ukupan broj bodova i odgovarajuća ocjena, koja se upisuje u evaluacijski obrazac i unosi u odgovarajuću bazu podataka.
- b) U strukturi ukupnog broja bodova najmanje 50 bodova mora biti predviđeno za razne aktivnosti i provjere znanja u toku semestra dok se završni ispit može vrijednovati sa najviše 50 bodova.
- c) Centar je dužan u planu aktivnosti Centra za narednu kalendarsku godinu odrediti četiri termina po dva dana za ispitne rokove svih polaznika kursa i objaviti ih na web stranici Saveza, početkom godine;
- d) Konačna ocjena se utvrđuje kada se saberu bodovi ostvareni tokom trajanja kursa i na završnom ispitu na način da je ukupan broj bodova ekvivalentan ocjenama kako slijedi: ocjena izuzetan (10) nosi 95-100 bodova; ocjena nadprosječan (9) nosi 85-94 bodova; ocjena prosječan (8) nosi 75-84 boda; ocjena dobar (7) nosi 65-74 boda; ocjena zadovoljava (6) nosi 55-64 boda i ocjena ne zadovoljava (5) nosi manje od 55 bodova.
- e) Oblici provjere znanja mogu biti pismeni, usmeni i praktični rad i sprovodi ih direktor/rukovodilac Centra ili komisija sastavljena od neparnog broja edukatora trenera u čijem je sastavu jedan od članova direktor/rukovodilac Centra;
- f) Centar je obavezan da upozna polaznike kursa sa oblicima provjere znanja kao i strukturom bodovanja tokom kursa i na završnom ispitu za svaki nastavni predmet, odmah na početku kursa i evidentirati u evaluacijski obrazac za svakog polaznika kursa, kao osnovni dokument ocjenjivanja. Nakon završetka kursa, potpisan evaluacijski obrazac dostaviti u dosije polaznika kursa;
- g) Svi oblici provjere znanja polaznika kursa su javni;
- h) Pismeni ispitni radovi polaznika kursa čuvaju se u arhivi dvije godine nakon završetka zadnjeg semestra kursa;
- i) Polaznik kursa može pristupiti završnom ispitu samo ako je prije toga izvršio sve prethodne obaveze vezane za prisustvo na kursevima, stažiranjima, vježbama i

drugim nastavnim obavezama predviđenim nastavnim planom i programom kursa;

- j) Ako polaznik kursa za predviđene aktivnosti i provjere znanja tokom kursa osvoji broj bodova koji zadovoljava kriterije za prolaznu ocjenu, nije obavezan izlaziti na završni ispit;
- k) Kandidat koji nije sakupio dovoljno bodova za prolaznu ocjenu na završnom ispitu, može izaći na popravni ispitni, u vremenskom period od najmanje dva mjeseca nakon završnog ispita. Ako nakon popravnog ispita kandidat ne sakupi dovoljan broj bodova za prolaznu ocjenu, može izaći samo još na jedan dodatni popravni ispit, koji mora biti održan u terminu najkasnije 2 (dvije) godine od termina održavanja završnog ispita.

Član 15. (Komisijski ispit)

Polaznik kursa koji nije zadovoljan postignutom ocjenom, može u roku od 72 (sedamdesetdva) sata, nakon saopćavanja ocjene, pismenim putem tražiti od Centra da se ispit ponovi pred komisijom, uz obrazloženje.

Rukovodilac Centra imenuje predsjednika i dva člana komisije u roku od 48 (četrdesetosam) sati od primanja zahtjeva, ako ocjeni da je zahtjev opravdan i određuje novi termin polaganja ispita u roku od 4 (četiri) dana od dana formiranja komisije.

Ako se radi o pismenom ispitu, komisija neće ponavljati ispit, već će postojeći pismeni rad pregledati i ocjeniti, dok je ponavljanje usmenog i praktičnog ispita ili dijela ispita obavezno.

Polaznik kursa može tražiti komisijski ispit najviše 2 (dva) puta u toku jednog kursa.

Član 16. (Završetak kursa)

Danom polaganjem zadnjeg ispita, na svim kursevima izuzev kursa za sticanje UEFA PRO licence smatra se da je polaznik kursa uspješno završio određeni kurs i stekao pravo na dodjelu diplome i licence od strane Centra u roku od mjesec dana.

Danom odbrane Diplomskog rada, kao poslednjeg ispita na kursu za sticanje UEFA PRO diplome i licence smatra se da je polaznik kursa uspješno završio UEFA PRO kurs i stekao pravo na dodjelu diplome i licence od strane Centra u roku od mjesec dana.

Član 17. (Diplomski rad)

Polaznik kursa za sticanje UEFA PRO diplome i licence, nakon odslušanog četvrtog semestra, stiče pravo odlaska na stažiranje, u klub prve lige neke od zemalja lige petice (Njemačka, Italija, Engleska, Francuska i Španija), u trajanju od 15 (petnaest) dana, ili u klub koji je u zadnjih 5 (pet) godina učestvovao u grupnoj fazi UEFA lige i lige šampiona, a nije iz pomenutih zemalja. Mogu doći u obzir i klubovi iz lige petice koji su u zadnje tri godine bili u najvišem rangu takmičenja pa su ispali. Izbor kluba bira sam polaznik uz saglasnost Centra, koji će voditi evidenciju o polaznicima kursa, klubovima i datumima stažiranja.

Za vrijeme stažiranja polaznik kursa prikuplja materijale, posmatra treninge i utakmice, obavlja razgovore i intervjuje u cilju sakupljanja informacija i građe za izradu diplomskog rada, univerzalnog naslova za sve polaznike kursa, vezanog za menadžment, organizaciju i stručni rad prvog tima i omladinskog pogona kluba u kojem vrši stažiranje.

Polaznik kursa sam dogovara termine sa klubom, snosi sve organizacijske i druge troškove a prije polaska treba napraviti usmeni dogovor oko stažiranja te preuzeti od Centra pismenu saglasnost da može ići na stažiranje u klub koji je predložio. Kada završi stažiranje od kluba treba uzeti potvrdu da je obavio stažiranje u tom klubu u trajanju od 15 (petnaest) dana, sa tačno navedenim datumima dolaska i odlaska.

Radnu verziju diplomskog rada (u print ili elektronskoj formi) polaznik kursa donosi na pregled a konačnu verziju printa u tvrdom povezu u 5 (pet) primjeraka. Direktor/rukovodilac Centra određuje datum i vrijeme odbrane diplomskog rada koja je javnog karaktera i obavlja se isključivo pred komisijom.

Polaznik kursa može braniti svoj diplomski rad u vrijeme trajanja jednog od 4 (četiri) semestra kursa za UEFA PRO licencu, naredne generacije, kao i u vrijeme seminarima za produženje validnosti UEFA PRO licenci. Odbrana je javnog karaktera i mogu prisustvovati članovi porodice, prijatelji, gosti, poznanici idr.

Član 18.

(Učestalost kurseva)

Centar će organizirati kurseve za sticanje UEFA PRO diploma i licence, jednom u roku od dvije godine. U izuzetnim situacijama uz dobro obrazloženje Centar može organizirati UEFA PRO kurs i prije isteka 2 (dvije) godine od završetka posljednjeg kursa za sticanje iste licence, pod uslovom da od UEFA-e dobije saglasnost.

Centar će organizirati kurseve za sticanje ostalih UEFA diploma i licenci svake godine a broj grupa uskladiti sa iskazanim interesom kandidata za određene kurseve na osnovu objavljenih obavijesti o upisu polaznika početkom godine.

Centar će organizirati kurseve za sticanje nacionalne C diploma i licence, kao i nacionalnih certifikata za trenere futsala i trenere golmana u saradnji sa savezima svih nivoa takmičenja a na osnovu potrebe klubova i iskazanog interesa kandidata.

V KRITE RIJ ZA UPIS NA UEFA KURSEVE

Član 19.

(Opći kriteriji za sve kurseve)

Kursevi za sticanje UEFA-e trenerskih diploma i licenci otvoreni su za sve kandidate sa mjestom stalnog boravkom na teritoriji Bosne i Hercegovine.

Postoji mogućnost da i kandidati koji nemaju mjesto stalnog boravka na teritoriji Bosne i Hercegovine pohađaju kurs za sticanje UEFA-e trenerskih diploma i licenci, pod uslovom da:

- a) govore službene jezike koji se koriste u Bosni i Hercegovini (dovoljan nivo u pisanju i govoru);
- b) im neka druga zemlja članica Konvencije nije odbila prijem na kurs za sticanje ekvivalentne UEFA-e trenerske diplome u posljednje 2 (dvije) godine (npr. nakon što nisu položili test sklonosti ili zato što nisu imali traženo praktično iskustvo u treniranju);
- c) imaju dobar osnov za pohađanje takvog kursa (npr. angažovani su da treniraju državni reprezentativni tim Saveza ili tim nekog nogometnog kluba udruženog u Savez);
- d) Savez kao članica Konvencije koja organizuje kurs, podnese obrazac za prekograničnu edukaciju (može se skinuti sa UEFA-inog web-sajta);
- e) njihov broj ne prelazi 10% ukupnog broja učesnika (UEFA može odobriti izuzeće od ovog ograničenja ukoliko dobije dobro obrazložen pisani zahtjev od N/FS BiH).

Treneru čija je UEFA-e trenerska diploma ili licenca opozvana, zabranjeno je najmanje 3 (tri) godine da aplicira za pohađanje nekog novog kursa za sticanje UEFA-e trenerske diplome u cilju ponovnog sticanja diplome ili licence.

Da bi bili primljeni na neki kurs za sticanje UEFA-ine trenerske diplome i licence,

kandidati:

- a) moraju dokazati praktično iskustvo u nogometu i/ili trenerskom radu;
- b) moraju dostaviti sve prijemne dokumente koje traži Centar;
- c) moraju ispunjavati kriterije za prijem za predmetni kurs, uključujući bilo koji dodatni zahtjev;
- d) od njih može biti traženo da polažu test sklonosti/prijemni ispit (o čemu se UEFA unaprijed obavještava).

Centar od kandidata može tražiti:

- a) da kandidati za upis na neki kurs dostave uvjerenje o određenom igračkom iskustvu i/ili trenerskom iskustvu;
- b) da daju pismenu izjavu da oslobađaju Centar i Savez od bilo kakvih zahtjeva nastalih organizacijom i realizacijom nekog od kurseva.

Polaznike koji imaju zdravstvenih problema ili koji su ozbiljno povrijeđeni, Centar može izuzeti od obaveze fizičkog učešća u praktičnim trening sesijama u okviru kursa za sticanje neke trenerske diplome. U tom cilju, Centar ima pravo da im zatraži ljekarsko uvjerenje.

Član 20.

(Ostali kriteriji za upis kursa za UEFA B diplomu)

Da bi bio primljen na kurs za sticanje UEFA B diplome, kandidat mora dostaviti:

- a) Upisni list za UEFA B diplomu (preuzeti i popuniti sa web stranice: www.nfsbih.ba);
- b) Uvjerenje da je nastupajući kao igrač, odigrao najmanje 50 (pedeset) zvaničnih utakmica u seniorskoj konkurenciji, ili uvjerenje o najmanje trogodišnjem trenerskom iskustvu kao imaocu validne nacionalne C licence;
- c) Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi četvorogodišne ili trogodišnje dužine trajanja;
- d) Uvjerenje o stalnom mjestu boravka u Bosni i Hercegovini ili nekoj drugoj zemlji;
- e) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
- f) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);

Član 21.

(Ostali kriteriji za upis kursa za UEFA A diplomu)

Da bi bio primljen na kurs za sticanje UEFA A diplome, kandidat mora dostaviti:

- a) Upisni list za UEFA A diplomu (preuzeti i popuniti sa web stranice: www.nfsbih.ba);
- b) Validnu UEFA B licencu;
- c) Uvjerenje od kluba o jednogodišnjem trenerskom iskustvu kao imaocu UEFA B licence;
- d) Uvjerenje o stalnom mjestu boravka u Bosni i Hercegovini ili nekoj drugoj zemlji;
- e) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
- f) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);
- g) Potvrdu od kluba Premijer i Prve lige da će kod njih obavljati mentorsku praksu za vrijeme edukacije.

Član 22.

(Ostali kriteriji za upis kursa za UEFA PRO diplomu)

Da bi bio primljen na kurs za sticanje UEFA PRO diplome, kandidat mora dostaviti:

- a) Upisni list za UEFA PRO diplomu (preuzeti i popuniti sa web stranice: www.nfsbih.ba).

- nfsbih.ba);
- b) Validnu UEFA A licencu;
 - c) Uvjerenje o jednogodišnjem trenerskom iskustvu kao imaocu UEFA A licence ili saglasnost od UEFA-e (nakon ličnog, pismeni zahtjeva) o izuzeću od trenerskog iskustva sa UEFA A licencom za profesionalnog igrača, koji je najmanje sedam godina igrao kao profesionalni igrač u vrhunskom rangu takmičenja, asocijacije članice FIFA-e i UEFA-e i koji je odigrao najmanje 50 međunarodnih takmičarskih utakmica za seniorski reprezentativni tim ili prvi tim kluba;
 - d) Uvjerenje o stalnom mjestu boravka u Bosni i Hercegovini ili nekoj drugoj zemlji;
 - e) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
 - f) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);

Član 23.

(Ostali kriteriji za upis kursa za UEFA-e elitnu omladinsku A diplomu)

Da bi bio primljen na kurs za sticanje UEFA-e, elitne omladinske A diplome, kandidat moraju posjedovati:

- a) Upisni list za UEFA elitnu omladinsku A diplomu (preuzeti i popuniti sa web stranice: www.nfsbih.ba);
- b) Validnu UEFA A licencu;
- c) Uvjerenje o stalnom mjestu boravka u Bosni i Hercegovini ili nekoj drugoj zemlji;
- d) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
- e) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);

Član 24.

(Ostali kriteriji za upis kombinovanog kursa za sticanje UEFA A i UEFA A elitne omladinske diplome)

Da bi bio primljen na kombinovani kurs za sticanje UEFA A i UEFA elitne omladinske A diplome, kandidat mora posjedovati:

- a) Upisni list za kombinovanu UEFA A i UEFA A elitnu omladinsku diplomu (preuzeti i popuniti sa web stranice: www.nfsbih.ba);
- b) Validnu UEFA B licencu;
- c) Uvjerenje o najmanje jednogodišnjem trenerskom iskustvu kao imaocu UEFA B licence;
- d) Uvjerenje o stalnom mjestu boravka u Bosni i Hercegovini ili nekoj drugoj zemlji;
- e) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
- f) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);

Član 25.

(Ostali kriteriji za upis kursa za UEFA futsal B diplomu)

Da bi bio primljen na kurs za sticanje UEFA futsal B diplome, kandidat mora dostaviti:

- a) Upisni list za UEFA futsal B diplomu (preuzeti i popuniti sa web stranice:

- www. nfsbih.ba);
- b) Uvjerenje da je nastupajući kao igrač futsala, odigrao najmanje 50 zvaničnih utakmica u seniorskoj konkurenciji bilo kojeg ranga, ili najmanje jednogodišnje trenersko iskustvo u futsalu;
 - c) Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi četvorogodišne ili trogodišnje dužine trajanja;
 - d) Uvjerenje o stalnom mjestu boravka u Bosni i Hercegovini ili nekoj drugoj zemlji;
 - e) Ljekarsko uvjerenje (samo za kandidate koji imaju zdravstvenih problema ili koji su ozbiljno povrijeđeni, radi izuzeća od učešća na praktičnim treninzima);
 - f) Uvjerenje, potvrdu, izjavu ili neki drugi dokaz (samo za kandidate koji posjeduju uvjerenje o stalnom mjestu boravka neke druge zemlje), da govore službene jezike u Bosni i Hercegovini (dovoljan nivo u pisanju i govoru);

Član 26.

(Ostali kriteriji za upis kursa za UEFA A diplomu trenera vratara/golmana)

Da bi bio primljen na kurs za sticanje UEFA A diplome trenera vratara/golmana, kandidat mora dostaviti:

- a) Upisni list za UEFA A diploma trenera vratara/golmana (preuzeti i popuniti sa web stranice: [www. nfsbih.ba](http://www.nfsbih.ba));
- b) Validnu UEFA B licencu;
- c) Nacionalni certifikat trenera golmana ili uvjerenje o seniorskom profesionalnom golmanskom iskustvu (najmanje 5 godina na vrhunskom nivou i najmanje 10 međunarodnih nastupa za seniorski državni tim) ili trogodišnje trenersko iskustvo sa UEFA B licencom;

Član 27.

(Ostali kriteriji za upis kursa za nacionalnu C diplomu)

Da bi bio primljen na kurs za sticanje nacionalne C diplome, kandidat mora dostaviti:

- a) Upisni list za nacionalnu C diplomu (preuzeti i popuniti sa web stranice: [www. nfsbih.ba](http://www.nfsbih.ba));
- b) Uvjerenje od kluba bilo kojeg ranga takmičenja da je igrao ili kao trener radio ili volontirao najmanje jednu godinu u tom klubu, sa bilo kojom uzrasnom selekcijom;
- c) Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi;
- d) Rodni list;
- e) Uvjerenje o državljanstvu;
- f) Uvjerenje o stalnom mjestu prebivališta boravka (CIPS) i
- g) Dvije fotografije dimenzija kao za ličnu/osobnu kartu.

Član 28.

(Ostali kriteriji za upis kursa za Nacionalni certifikat trenera vratara/golmana)

Da bi bio primljen na kurs za sticanje Nacionalnog certifikata trenera vratara/golmana, kandidat mora dostaviti:

- a) Upisni list za nacionalni certifikat trenera vratara/golmana (preuzeti i popuniti sa web stranice: [www. nfsbih.ba](http://www.nfsbih.ba));
- b) Uvjerenje od kluba bilo kojeg ranga takmičenja da je kao golman/vratar nastupao ili kao trener golmana/vratara radio najmanje jednu godinu sa bilo kojom uzrasnom selekcijom;
- c) Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi;
- d) Rodni list;
- e) Uvjerenje o državljanstvu;
- f) Uvjerenje o stalnom mjestu prebivališta boravka (CIPS) i
- g) Dvije fotografije dimenzija kao za ličnu/osobnu kartu.

Član 29.

(Ostali kriteriji za upis kursa za Nacionalni certifikat za trenera futsala)

Da bi bio primljen na kurs za sticanje Nacionalnog certifikata trenera futsala, kandidat mora dostaviti:

- a) Upisni list za nacionalni certifikat trenera futsal (preuzeti i popuniti sa web stranice: www.nfsbih.ba);
- b) Uvjerenje od kluba bilo kojeg ranga takmičenja da je kao igrač nastupao ili kao trener radio najmanje jednu godinu sa bilo kojom uzrasnom selekcijom;
- c) Uvjerenje, potvrdu, diplomu, svjedočanstvo ili neki drugi dokaz o završenoj srednjoj školi;
- d) Rodni list;
- e) Uvjerenje o državljanstvu;
- f) Uvjerenje o stalnom mjestu prebivališta boravka (CIPS) i
- g) Dvije fotografije dimenzija kao za ličnu/osobnu kartu.

Član 30.

(Trajanje i sadržaj kurseva)

Za svaki kurs za sticanje neke diploma i licence ili certifikata u organizaciji i realizaciji Centra, definisano je slijedeće:

- a) Ukupni minimalni broj sati edukacije;
- b) Minimalni broj sati teoretskih jedinica izvan terena (u učionici);
- c) Minimalan broj sati praktičnih jedinica, uključujući rad u klubu (mentorska praksa i stažiranje) kao i studijske posjete;
- d) Minimalan broj sati ocjenjivanja/ispitivanja (pored broja sati educiranja);

U tabelama (1, 2, 3, 4 i 5), specificiran je minimalan broj sati trajanja kursa, sa minimalnim brojem časova teoretskih i praktičnih jedinica, za sticanje standardnih UEFA diploma, specijalističkih UEFA-e diploma i za sticanje nacionalne C diploma i nacionalnih certifikata;

Tabela 1. Struktura trajanja kursa za sticanje standardnih UEFA trenerskih diploma

U E F A	UEFA PRO Diploma	UEFA A Diploma	UEFA B Diploma
Broj sati edukacije (minimum)	489	226	163
Teorija (u učionici)	144	90	60
Praksa (na terenu)	216	90	60
Mentorska Praksa u klubu	60	40	40
Stażiranje u klubu (diplomski rad)	60	-	-
Ocjenjivanje (minimum)	9	6	3

Tabela 2. Struktura trajanja kursa za sticanje specijalističkih UEFA trenerskih diploma

U E F A		Kombinovana UEFA A i UEFA Elitna omladinska A Diploma	UEFA Elitna Omladinsk a A Diploma	UEFA B futsal Diploma	UEFA A golmanska Diploma
Broj sati edukacije minimum		346	126	183	205
Teorija	(u učionici)	130	40	46	36
Praksa	(na terenu)	130	40	74	84
Mentorska	praksa u klubu	80	40	60	80
Ocjenjivanje (minimum)		6	6	3	5

Tabela 3. Struktura trajanja kursa za sticanje nacionalne C trenerske diplome

NACIONALNA C LICENCA	C Diploma
Broj sati edukacije	90
Teorija (u učionici)	24
Praksa (na terenu)	24
Mentorska praksa u klubu	40
Ocjenjivanje (minimum)	2

Tabela 4. Struktura trajanja kursa za sticanje Nacionalnih certifikata trenera futsala i trenera golmana

NACIONALNI CERTIFIKAT ZA TRENERA FUTSALA I GOLMANA	
Broj sati edukacije (minimum)	92
Teorija (u učionici)	36
Praksa (na terenu)	12
Mentorska praksa u klubu (2x20)	40
Ocjenjivanje (minimum)	2

VI SPECIFIČNI KURSEVI ZA PROFESIONALNE IGRAČE SA DUGIM IGRAČKIM STAŽOM

Član 31.

(Organizacija)

Uz predhodnu UEFA-e saglasnost, Centar može organizovati specifični kurs koji integriše sadržaje kursa za UEFA B diploma i kursa za UEFA A diploma, za profesionalne igrače sa dugim igračkim stažom, ukoliko primi aplikacije od najmanje sedam nogometaša koji su igrali najmanje sedam punih godina kao profesionalci u vrhunskoj diviziji asocijacije članice FIFA-e ili UEFA –e.

Član 32.

(Trajanje i sadržaj)

Specifični kurs koji integriše sadržaje kursa za UEFA B diploma i kursa za UEFA A diploma za profesionalne igrače sa dugim igračkim stažom mora sadržati najmanje 210 časova edukacije i zadovoljiti sljedeće zahtjeve:

- a) najmanje 105 časova kursa moraju činiti teorijske jedinice izvan terena;
- b) najmanje 105 časova moraju činiti praktične jedinice na terenu
- c) ocjenjivanje mora iznositi najmanje šest sati i zadovoljiti minimum kriterija ovjenjivanja za UEFA A diploma

VII KURSEVI DALJNJE EDUKACIJE ZA EDUKATORE TRENERA

Član 33.

(Cilj kurseva za edukaciju edukatora)

Kursevi dalje edukacije za edukatore trenera u organizaciji Centra ili UEFA-e, imaju cilj da:

- a) pripremaju i obučavaju edukatore trenera za predavanje na kursevima dalje edukacije, kursevima za sticanje UEFA-ine trenerske diploma, kursevima za izdavanje takmičarskih akreditacija i bilo kojim drugim kursevima koji se nude u okviru nacionalnog programa edukacije trenera, i
- b) obezbjede platformu edukatorima trenera za razmjenu dobrih praksi i trendova u nogometnom treniranju i edukaciji.

Član 34.

(Edukatori trenera)

Centar za edukaciju trenera NS/FS BiH će stupanjem ovog Pravilnika na snagu započeti a u naredne četiri godine završiti edukaciju edukatora trenera svih nivoa za vlastite potrebe i ispuniti UEFA zahtjev da trenere educiraju potpuno kompetentne osobe. Edukatori trenera su osobe koje učestvuju u edukaciji trenera sa stručnim zvanjima: predavača, instruktora, mentora i specijalista.

Član 35.

(Predavači)

Predavač je najviše zvanje od svih edukatora trenera koji učestvuju u realizaciji kurseva koje organizuje Centar. Predavači su kompleksne ličnosti koje imaju profesionalne predavačke kompetencije stečene na univerzitetskom obrazovanju sa jedne strane i stručne trenerske kompetencije stečene kroz UEFA seminare za trenere i instruktore.

Licencu predavača izdaje Centar za edukaciju na lični zahtjev pojedinca, a na osnovu priložene validne dokumentacije i to za:

Predavača na PRO nivou:

- a) Kopiju diplome o završenom magisteriju ili doktoratu iz oblasti sporta,
- b) Kopiju validne UEFA PRO licence,
- c) Tri certifikata izdata od UEFA-e o učešću na edukativnim seminarima u

organizaciji UEFA-e u zadnjih 10 godina,
d) Kopiju validne licence Instruktor za UEFA PRO nivo.

Predavača na A nivou:

- a) Kopiju diplome o završenom magisteriju ili doktoratu iz oblasti sporta,
- b) Kopiju validne UEFA A licence ili kopiju validne UEFA B licence i najmanje tri sertifikata izdata od UEFA-e o učešću na edukativnim seminarima,
- c) Kopiju validne licence Instruktor za UEFA A nivo.

Predavača na B nivou:

- a) Kopiju diplome o završenom Fakultetu sporta na nekom Univerzitetu u BiH ,
- b) Kopiju validne UEFA B licence,
- c) Kopiju validne licence instruktora za UEFA B nivo,

Predavača na nacionalnom nivou:

- a) Kopiju diplome o završenoj višoj školi ili Fakultetu sporta na nekom od Univerziteta u Bosni i Hercegovini,
- b) Kopiju nacionalnog sertifikata ili validne nacionalne C licence,
- c) Kopiju validne licence Instruktor za nacionalni nivo.

Član 36.

(Instruktori)

Stručno zvanje instruktora za UEFA-e licence i instruktora za nacionalne licence, stiče se u Centru za edukaciju, nakon što polaznici uspješno završe odgovarajući kurs.

Kursevi za sticanje zvanja instruktora za UEFA licence i instruktora za nacionalne licence organizuju se u isto vrijeme kada i kursevi za sticanje trenerskih UEFA i nacionalnih licenci.

Kurs za sticanje zvanja instruktora neke UEFA licence i instruktora neke nacionalne licence može upisati samo onaj polaznik koji ima trenersku UEFA-e licencu ili nacionalnu licencu istog ili višeg nivoa, uz posjedovanje instruktorske licence prethodnog nivoa.

Program kursa za sticanje zvanja instruktora za UEFA licence i nacionalne licence isti je kao program kojeg su polaznici slušali kada su sticali trenersku UEFA ili nacionalnu licencu. Da bi pristupili ispitu za instruktora UEFA ili nacionalne licence, polaznici su dužni ponovo odslušati, minimalno 50% programa kroz kontakt nastavu, a ostali dio kroz samostalni rad.

Kompetencije instruktora sa UEFA-e licencencom i instruktora sa nacionalnom licencom se odnose na sticanje sposobnosti organizacije seminara, prezentacije određenih nastavnih tema, realizovanja predavanja teoretskog tipa, vođenja panel diskusija, moderiranja grupnog rada, podučavanja trenera kroz praktično vođenje treninga kao i ispoljavanja visokog nivoa komunikacijskih i motivacijskih sposobnosti.

Kurs za sticanje instruktorske licence se završava ispitom koji se sastoji od održanog pristupnog teoretskog predavanja i realizacije praktičnog dijela treninga pred komisijom i polaznicima kursa.

Član 37.

(Mentori)

Mentori su treneri sa validnom UEFA-e licencom koji rade u klubovima sa odgovarajućim selekcijama različitih nivoa takmičenja, koji su specijalno educirani za mentorisanje trenerske prakse polaznika određenog UEFA-e kursa.

Specijalna edukacija mentora vrši se početkom svake kalendarske godine na kursovima za izdavanje takmičarske akreditacije za kalendarsku godinu.

Svaki trener koji ima validnu takmičarsku akreditaciju i koji vodi određenu selekciju u klubu, može biti mentor trenerima polaznicima UEFA-e kursa istog ili nižeg nivoa, od

nivoa takmičarske akreditacije koju posjeduje.
Kompetencije mentora su vezane za komunikacijske sposobnosti, tj. da isti metodom pitanja navode polaznike kursa koji pohađaju mentorsku praksu u klubu na rješenje po pitanju problematike vezane za analize utakmica, planiranje treninga, vođenja treninga i preispitivanje uspješnosti realizovanog treninga.

Član 38.

(Specijalisti)

Specijalisti su stručna i naučna lica koja učestvuju u realizaciji samo jednog dijela nastave na kursevima za sticanje UEFA-e i nacionalnih licenci. Za njih se ne izdaju nikakve licence već oni svoje kompetencije donose iz drugih multidisciplinarnih srodnih naučnih i stručnih disciplina. To se prije svega odnosi na specijaliste iz medicine, pravila fudbalske igre, nutricioniste, kondicijske pripreme, dijagnostike, informatike itd.

VIII KURSEVI DALJE EDUKACIJE ZA PRODUŽENJE VALIDNOSTI LICENCE EDUKATORA TRENERA (PREDAVAČI I INSTRUKTORI)

Član 49.

(Kombinovani instruktori)

Na kursevima dalje edukacije za edukatore trenera (predavači i instruktori) u organizaciji Centra, mogu predavati predavači kombinovani od edukatora trenera, pojedinaca sa specifičnim trenerskim kvalifikacijama i eksperata iz ostalih oblasti, s tim da ih sve nadgleda Centar.

Član 40.

(Učestalost)

Kursevi dalje edukacije za produženje validnosti licence za edukatore trenera u organizaciji Centra, organizuju se dva puta godišnje a polaznici bi trebali završe barem jedan kurs svake tri kalendarske godine.

Član 41.

(Kriterij za prijem)

Prijem na kurseve dalje edukacije za produženje validnosti licence za edukatore trenera (predavači i instruktori) u Centru, reguliše se na način da Centar u svom godišnjem planu predvidi najmanje 2 (dva) termina u godini za produženje validnosti licence edukatore trenera.

Član 42.

(Trajanje i sadržaj)

Kursevi dalje edukacije za produženje validnosti licence za edukatore trenera (predavači i instruktori) u organizaciji Centra sadrže najmanje 15 (petnaest) časova obuke i mogu biti razbijeni na razne module.

Član 43.

(Završavanje kursa)

Edukatori trenera (predavači i instruktori) koji završe kurs dalje edukacije u organizaciji Centra za produženje validnosti licenci, dobijaju novu licencu na 3 (tri) godine i zadržavaju svoj status edukatora trenera dalje 3 (tri) godine.

IX POSTUPAK IZDAVANJA DIPLOMA I LICENCI

Član 44.

(Izdavanje UEFA trenerskih licenci)

Prije izdavanja UEFA-e trenerskih diploma i licenci, NS/FS BiH dostavlja UEFA-i na saglasnost prijedlog svog nacionalnog programa.

Kada god se izdaje ili obnovi UEFA-e licenca, Centar za edukaciju dužan je na dogovarajući način ažurirati svoju bazu podataka o imacima UEFA-e trenerskih

diploma i licenci.

Kada god izda neku višu UEFA-e trenersku licencu, Centar je dužan informirati bilo koju drugu članicu Konvencije koja je izdala prethodnu licencu predmetnom treneru kako bi ova/e druga/e mogla/e odgovarajuće ažurirati svoju/e bazu/e podataka.

Završetkom bilo kojeg kursa UEFA-e edukacije, Centar izdaje odgovarajuće diploma koje su trajnog karaktera i nemaju u sebi datum validnosti. Uz trenerske diploma, Centar izdaje i odgovarajuće trenerske UEFA-e licence sa ograničenim datumom validnosti.

Kandidatu koji je položio sve ispite i završio sve administrativne obaveze utvrđenih ovim Pravilnikom za određeni kurs, Centar izdaje diplomu i licencu odgovarajućeg UEFA-e nivoa čiji sadržaj, karakter, oblik, veličinu i grafičko rješenje propisuje UEFA-e.

Pored diplome i licence o završenom odgovarajućem UEFA-e nivou, a na zahtjev trenera, Centar može izdati uvjerenje sa ocjenama iz položenih predmeta i druge potvrde koje služe u svrhu dokazivanja statusa trenera.

Diplome i licence koje se stižu u Centru, potpisuju Predsjednik saveza, Generalni sekretar i direktor/rukovodilac Centra.

Nakon položenih ispita, trener upoređuje i koriguje svoj dosije sa administrativnim saradnikom koji mu u roku do 30 (trideset) dana dostavlja diplomu i licencu lično ili poštom na dostavljenu adresu.

Na zahtjev trenera može se izdati duplikat diplome ili licence pod uslovom da je okončan zakonom propisani postupak kojim je ranije izdata diploma ili licenca proglašena nevažećom. Zahtjev za izdavanje duplikata podnosi se stručno-administrativnom saradniku. U sadržaju, poslije naziva diplome ili licence, unosi se riječ "Duplikat".

Centar za edukaciju trenera može opozvati bilo koju UEFA-e diplomu i licencu izdatu od strane Centra za edukaciju trenera u slučaju da naknadno utvrdi neke nepravilnosti ili neispunjavanja uslova i obaveza od strane trenera. Centar obavještava trenera i traži od njega da vrati diploma i licencu. Ako to ne vrati, nakon isteka validnosti licence Centar zadržava pravo da ne produži validnost licence na novi period, dok trener ne otkloni sve prepreke koje su dovele do opoziva diploma i licence.

X PRODUŽENJE VALIDNOSTI UEFA TRENERSKIH LICENCI

Član 45.

(Cilj kurseva za produženje validnosti licenci)

Kursevi za produženje validnosti licenci u organizaciji Centra, imaju za cilj da ažuriraju (produže) kompetencije polaznika kao nogometnih/fudbalskih trenera.

Član 46.

(Koje edukatore trenera koristiti)

Za produženje validnosti licenci poželjno je koristiti sve one edukatore trenera koji su u stanju pružiti nove informacije kao nadogradnju trenerima na osnovnu licencu.

Član 47.

(Organizacija i učestalost)

Kursevi za produženje validnosti licenci u organizaciji Centra, planiraju se tako da se polaznicima omogući da završe najmanje jedan kurs svake 3 (tri) kalendarske godine.

Centar organizuje kurseve za produženje validnosti UEFA licenci, četiri puta godišnje i to od 04. do 06. u slijedećim mjesecima: januar, april, jul i oktobar. Mjesto i vrijeme održavanja seminara za produženje validnosti UEFA licenci se objavljuje na web stranici saveza.

Član 48.

(Kriteriji za prijem)

Kursevi za produženje validnosti licenci otvoreni su za sve imaoce UEFA-e trenerske licence, koju je izdao NS/FS BiH kao članica Konvencije koji svoje licence žele obnoviti za naredne 3 (tri) godine.

Također moguće je da imaoци UEFA-e trenerske diploma i licence, koju je izdala neka druga članica Konvencije pohađaju takve kurseve, pod uslovom da:

- a) govore službeni jezik NS/FS BiH kao članice Konvencije koja organizuje kurs (dovoljan nivo u pisanju i govoru);
- b) imaju dobar osnov za pohađanje takvog kursa (npr. angažovani su da treniraju državni reprezentativni tim NS/FS BiH kao članice Konvencije koja organizuje kurs ili tim nekog nogometnog kluba udruženog u N/FS BiH;
- c) članici Konvencije koja organizuje kurs podnesu obrazac za prekograničnu edukaciju (može se skinuti sa UEFA-inog web-sajta);
- d) njihov broj ne prelazi 20% ukupnog broja učesnika (UEFA-e može odobriti izuzeće od ovog ograničenja ukoliko dobije dobro obrazložen pisani zahtjev)

Nije potrebno polagati test sklonosti, niti prolaziti ocjenjivanje.

Kandidati su dužni dostaviti sve prijemne dokumente koje traži Centar kao organizator kursa.

Član 59.

(Trajanje i sadržaj kursa)

Kursevi dalje edukacije za produženje validnosti licenci u organizaciji Centra za imaoce UEFA trenerske licence sadrže najmanje 15 (petnaest) časova edukacije svake 3 (tri) godine, a za imaoce nacionalne C licence minimalno 5 (pet) časova edukacije svake 3 (tri) godine.

Centar kao organizator kursa dalje edukacije za imaoce licence može u cjelosti ili djelomično izuzeti od obaveze pohađanja ovog kursa one koji su u zadnje 3 (tri) godine pohađali neku tehničku obuku u organizaciji UEFA-e.

Svaki kurs dalje edukacije može biti razbijen na razne module.

Član 50.

(Validnost UEFA trenerskih licenci)

UEFA-e trenerska licenca se izdaje na 3 (tri) godine, od datuma izdavanja i najduže do prvog slijedećeg termina za produženje validnosti licenci koji slijedi nakon isteka perioda od 3 (tri) godine ili do 31. decembra ako nema termina za produženje validnosti UEFA-e licenci. (**Prvi primjer:** od 25. avgusta 2014. godine do 06. oktobra 2017. kada je termin za produženje licenci. **Drugi primjer:** od 25. novembar 2014. godine do 31. decembra 2017. godine).

UEFA-e trenerska licenca se obnavlja za naredne 3 (tri) godine, ukoliko je njen imalac završio kurs za produženje validnosti licence u organizaciji Centra ili kurs za sticanje UEFA-e trenersku diploma na narednom višem nivou (naprimjer imalac UEFA-e A diploma koji je uspješno završio kurs za UEFA PRO diploma).

UEFA-e trenerska licenca svom imaoцу daje pravo da radi kao trener reprezentativnog tima ili nekog kluba u Bosni i Hercegovini. Nakon isteka validnosti UEFA-e trenerske licence, njen imalac gubi to pravo.

Validnost trenerske licence uslovljena je zahtjevom da imalac licence preuzme obavezu poštovanja statuta, propisa, direktiva i odluka UEFA-e i NS/FS BiH koji je izdao licencu. Validnost može biti uslovljena dodatnim zahtjevima koje definiše Centar za edukaciju NS/FS BiH.

Centar će produžiti validnost UEFA-e licence na naredne 3 (tri) godine, ukoliko je trener odslušao predviđeni kurs daljne edukacije za produženje validnosti UEFA-e

licenci u predviđenom terminu u trajanju od 15 (petnaest) sati ili u izuzetnim situacijama ako je pohađao najmanje 15 (petnaest) sati na kursu za sticanje UEFA-e trenerske diplome na istom ili višem nivou od licence koju produžuje.

Treneri koji su stekli licencu u Centru, mogu produžiti licencu ako su seminar za produženje validnosti odgovarajuće licence odslušali u nekoj drugoj članici Konvencije. Dužni su dostaviti Certifikat od asocijacije članice Konvencije u kojoj piše da su odslušali odgovarajući seminar za produženje validnosti UEFA licence, datum seminara i broj odslušanih sati. Na osnovu tog Certifikata, Centar će uz ostale administrativne obaveze, izvršiti produženje validnosti odgovarajuće UEFA licence, počevši od datuma završetka seminara na period od tri godine.

XI PRELAZNE I ZAVRŠNE ODREDBE

Član 51.

(Dan Centra)

Dan Centra za edukaciju trenera je 19.01. tekuće godine. Toga datuma 2001. godine je NS/FS BiH potpisao Konvencijski ugovor sa UEFA-e za priznavanje edukacije na nivou UEFA B.

Član 52.

(Datum stupanja na snagu)

Ovaj Pravilnik stupa na snagu i primjenjuje se osam dana od dana objave u Službenom glasniku NS/FS BiH. Stupanjem na snagu ovog Pravilnika prestaju da važe svi pravilnici i propisi koji su ranije regulisali ovu problematiku.

Član 53.

(Nadležnost Konvencije 2015)

Ovaj Pravilnik proizilazi iz trenerske UEFA Konvencije, koju je N/FS BiH potpisao sa UEFA-om i sva pitanja koja nisu predviđena ovim Pravilnikom bit će rješena u skladu sa odredbama UEFA trenerske Konvencije (izdanje 2015.) i odlukama UEFA Jira Panela.

Član 54.

(Nadležnost u tumačenju)

Za autentično tumačenje ovog Pravilnika nadležan je Izvršni odbor NS/FS BiH, uz prethodno mišljenje Komiteta za propise NS/FS BiH.

Sarajevo, _____2017. godine

PREDSJEDNIK

Elvedin Begić

Etički kodeks

1. Riječima i djelom pokaži respekt za ostale trenere, protivnike, sudije, igrače, članove stručnih štabova, navijače.
2. Suprotstavi se prevarama, zastrašivanjima, dopingovanju.
3. Igru brani od rasizma, nasilja, korupcije, namještanja utakmica, eksploataisanja itd.
4. Igraj u skladu sa Pravilima igre, smjernicama ferpleja i propisima.
5. Dostojanstveno primaj poraze.
6. Uvijek daji sve od sebe u igri i ponašaj se najbolje što možeš.
7. Razmjenjuj znanje u cilju zaštite i razvoja igre.
8. Prihvati odgovornost za svoja djela.
9. Budi svjestan posljedica korištenja emotivnog rječnika i negativnog ponašanja.
10. Promoviši nogomet kao nešto strastveno, virtuozno, bezbjedno i pošteno.
11. Uvijek djeluj u najboljem interesu igre.